



Број: Т18 0 КТК 0014782 23
Брчко, 24.11.2023. године

OSNOVNI SUD BRČKO DISTRIKTA BIH

Na osnovu članka 35. stavak 2. točka i) i članka 226. stavak 1. Zakona o kaznenom postupku Brčko distrikta BiH, podižem

OPTUŽNICU

Protiv:

EDINA RAŽANICE ... rođen 1978. godine u Brčkom [...]

Što je:

U periodu od 2017. do 2020. godine, na području Brčko distrikta BiH, postupajući u svojstvu odgovorne osobe - predsjednika udruge građana „Centar demokratije“ Brčko, ovlaštenog za raspolaganje novčanim sredstvima udruge i zaduženog za osiguranje zakonitosti rada udruge, svjestan da je sukladno članku 46. Statuta od 22.05.2017. godine dužan da raspolaže i upravlja imovinom udruge s dužnom pažnjom na odgovoran i zakonit način u najboljem interesu udruge, nakon što je na račun udruge broj ... otvoren kod „... Bank“ a.d. Banja Luka po odlukama Odjela za stručne i administrativne poslove Vlade Brčko distrikta BiH i gradonačelnika Brčko distrikta BiH isplaćen ukupan iznos od 65.500,00 KM na ime grantova namijenjenih za rad udruge, u namjeri da sebi i drugim osobama pribavi imovinsku korist i svjestan da korištenjem novčanih sredstava protivno ciljevima udruge pribavlja sebi i drugima imovinsku korist, što je i htio, iskoristio takav svoj položaj tako što je protivno ciljevima udruge propisanim člankom 6. Statuta udruge građana „Centar demokratije“ od 22.05.2017. godine:

1. dana 01.03.2019. godine, s ciljem da A. M. pribavi imovinsku korist, kao zakonski zastupnik UG „Centar demokratije“ zaključio sa njim ugovor o djelu broj 01/2019 za održavanje radionice o važnosti slobode govora i prednosti demokratskog sistema, na osnovu kojeg ugovora je M. u gotovini isplaćen iznos od 3.000,00 KM, iako svjestan da naručeni poslovi nisu obavljani, čime je A. M. pribavio korist u iznosu od 3.000,00 KM,

2. dana 10.01.2020. godine, s ciljem da A. M. pribavi imovinsku korist, kao zakonski zastupnik UG „Centar demokratije“ zaključio sa njim ugovor o djelu broj 01/2020 za održavanje dvije radionice o temi izgradnja medija u civilnom društvu i uticaj medijskog sadržaja na građane, na osnovu kojeg ugovora je M. isplaćen iznos od 4.000,00 KM na račun broj ..., otvoren u ... banci a.d. Banja Luka, iako svjestan da naručeni poslovi nisu obavljani, čime je A. M. pribavio korist u iznosu od 4.000,00 KM,

3. dana 01.03.2019. godine, s ciljem da K. B. pribavi imovinsku korist, kao zakonski zastupnik UG „Centar demokratije“ zaključio sa njim ugovor o djelu broj 01/19 za održavanje radionice o važnosti raznolikosti, religijske, stručne, karakterne kroz prednosti demokratskog sistema, na osnovu kojeg ugovora je B. u gotovini isplaćen iznos od 3.000,00 KM, iako svjestan da naručeni poslovi nisu obavljani, čime je K. B. pribavio korist u iznosu od 3.000,00 KM,

4. dana 15.01.2020. godine, s ciljem da S. D. pribavi imovinsku korist, kao zakonski zastupnik UG „Centar demokratije“ zaključio sa njim ugovor o djelu broj 02/20 za održavanje radionice o anketiranju

građana o demokratskim procesima u Brčko distriktu BiH i održavanje predavanja o istoriji turizma Brčko distrikta BiH, na osnovu kojeg ugovora je D. isplaćen iznos od 3.500,00 KM na račun broj ..., otvoren u ... banci a.d. Banja Luka, iako svjestan da naručeni poslovi nisu obavljani, čime je S. D. pribavio korist u iznosu od 3.500,00 KM,

5. u periodu od 2017. do 2020. godine, s ciljem da svojoj supruzi R. R. pribavi imovinsku korist, sa računa UG „Centar demokratije“ isplatio na njen račun broj ... otvoren u ... Bank ukupno 16.500,00 KM na ime zakupa prostora od 20 m² na adresi ... broj 31 u Brčkom, po ugovorima o zakupu od 01.07.2017., 01.07.2018. i od 01.07.2019. godine, koje je on u ime udruge zaključio sa svojom suprugom R., iako svjestan da nije postojala realna potreba za zakup tih prostorija, niti je udruga UG „Centar demoratije“ tu obavljala bilo kakvu aktivnost i da je predmetni stan u vrijeme zakupa korišten isključivo za stanovanje, čime je supruzi R. R. pribavio imovinsku korist u iznosu od 16.500,00 KM,

6. u januaru/siječnju 2020. godine, s ciljem da kćerkama Š. S. i M. R. pribavi imovinsku korist, kao zakonski zastupnik UG „Centar demokratije“ od poduzeća „Konnak“ d.o.o. Brčko kupio i sredstvima udruge platio dva mobilna telefona marke „Huawei P30“ u iznosu od ukupno 2.458,00 KM, po računu broj 219/2020 od 03.01.2020. godine, koje telefone im je zatim neovlašteno predao na korištenje, čime im je pribavio imovinsku korist u iznosu od po 1.229,00 KM,

7. dana 12.03.2019. godine, uz dokumentaciju o pravdanju sredstava dobijenih putem granta za 2018. godinu od strane Odjela za stručne i administrativne poslove Vlade Brčko distrikta BiH u iznosu od 4.500,00 KM priložio fakturu broj 07/2019 od 21.02.2019. godine na iznos od 1.755,00 KM, izdatu od strane „P. M.“ s.p. vlasnik A. M., a zatim je znajući da je navedena faktura korištena za pravdanje sredstava dodijeljenih za 2018. godinu, istu tu fakturu dana 29.09.2020. godine priložio i uz dokumentaciju o pravdanju sredstava dobijenih putem granta od strane Skupštine Brčko distrikta BiH u iznosu od 2.000,00 KM, čime je pribavio sebi imovinsku korist u iznosu 1.755,00 KM,

8. dana 28.08.2019. godine, uz dokumentaciju o pravdanju sredstava dobijenih putem granta za 2018. godinu od strane Ureda gradonačelnika Brčko distrikta BiH u iznosu od 2.000,00 KM, priložio ugovor o djelu broj 05/2018 od 01.06.2018. godine o pripremi i štampanju publikacije, zaključen sa S. Z., kao izvođačem radova, te nalog blagajni od 05.06.2018. godine o isplati tih sredstava S. Z., iako svjestan da ugovoreni radovi nisu obavljani, čime je S. Z. pribavio korist u iznosu od 2.000,00 KM,

9. tijekom 2017. i 2018. godine, u namjeri da S. Z. pribavi imovinsku korist, kao zakonski zastupnik UG „Centar demokratije“ zaključio sa njim Ugovor o djelu broj 01/2017 od 01.07.2017. godine, za poslove izrade web portala Centar za demokratiju, te održavanje istog za vrijeme trajanja ugovora (01.07.2017. do 30.06.2018.), nakon čega je na osnovu tog ugovora dana 12.10.2017. godine S. Z. isplaćeno 3.500,00 KM na račun ... Bank broj ..., iako svjestan da radovi iz ugovora nisu obavljani, čime je S. Z. pribavio imovinsku korist u iznosu od 3.500,00 KM,

dakle, kao odgovorna osoba u Brčko distriktu BiH, iskoristio svoj položaj i ovlaštenja i pribavio sebi i drugome korist, a pribavljena imovinska korist prelazi 10.000,00 KM,

čime je počinio produženo kazneno djelo Zloupotreba položaja ili ovlasti iz članka 377. stavak 2. u svezi sa stavkom 1. i člankom 55. Kaznenog zakona Brčko distrikta BiH.

[...]

2. Na osnovu članka 76. Kaznenog zakona Brčko distrikta BiH predlažem da Osnovni sud Brčko distrikta BiH optuženom Edinu Ražanici izrekne **mjeru sigurnosti zabrane vršenja dužnosti odgovorne osobe u udrugama građana i fondacijama** u trajanju od najmanje 5 godina od dana pravosnažnosti presude.

3. Na osnovu članka 114. Kaznenog zakona Brčko distrikta BiH i članka 392. Zakona o kaznenom postupku Brčko distrikta BiH predlažem da Osnovni sud Brčko distrikta BiH od optuženog oduzme **imovinsku korist** pribavljenu kaznenim djelom u iznosu od 1.755,00 KM, te da od osoba kojima je počinjenjem kaznenog djela pribavio imovinsku korist oduzme takvu korist i to od A. M. iznos od 7.000,00 KM, od K. B. iznos od 3.000,00 KM, od S. D. iznos od 3.500,00 KM, od R. R. iznos od 16.500,00 KM, od Š. S. iznos od 1.229,00 KM, od M. R. iznos od 1.229,00 KM i od S. Z. iznos od 5.500,00 KM.

[...]

Poduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica
